

Berita Minggu, Ahad, 28 Disember, 1980

# Persidangan Islam: M'sia dijangka utara usul penting

KUALA LUMPUR, Sabtu — Malaysia dijangka membentangkan usul penting dalam Persidangan Ketua-ketua Negara dan Kerajaan Islam di Mekah, 18 Januari depan.

Oleh BUSTAMAM AHMAD

Timbalan Perdana Menteri, Datuk Seri Dr. Mahathir Mohamad akan mengetuai 20 perwakilan Malaysia ke persidangan tersebut.

Menurut jurucakap Wisma Putra, sehingga ini masih belum dapat dipastikan lagi, apakah usul yang akan dibentangkan kelak.

"Kami masih merangka usul itu dan belum dapat mengumulkannya. Apa yang pasti ialah Malaysia dijangka mengambil peranan penting dalam persidangan itu nanti," jelas beliau.

Difahamkan, usul itu menyentuh berbagai perkara yang mencabar perpaduan umat Islam keseluruhannya, termasuk isu Afghanistan dan peperangan Iran-

Iraq.

Jurucakap itu juga tidak dapat memberikan butir-butir lanjut mengenai agenda yang bakal dibincangkan di persidangan tersebut.

Bagaimanapun, dijangkakan perkara yang menyentuh serta mencabar perpaduan negara Islam "pasti" hangat dibincangkan dalam persidangan tersebut.

Ia mungkin termasuk isu Baitulmuqaddis dan Afghanistan serta perang Iran-Iraq, yang kian mencabar perpaduan umat Islam keseluruhannya.

Menteri Luar, Tengku Ahmad Rithauddeen akan turut menyertai perwakilan negara ini ke persidangan tersebut.

yang akan berlangsung di Kota Suci itu empat hari berturut-turut sehingga 21 Januari.